



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola XLVII. Gregorii Papae I. Ad Colvmbvm Episcopvm Nvmidiae. Ne  
pueri venalitate, vel alicuius potentia ordinentur: & de Concilio faciendo.

**urn:nbn:de:hbz:466:1-15221**

scopatus ordinem elegistis. Cuius etiam & nos personam, quia dudum est nobis bene cognita, comprobamus, eumque vobis iuxta desiderium vestrum & nos ordinari voluimus sacerdotem. Pro quaere hortamur vos in eius electione sine aliqua ambiguitate persistere. Nec quædam vos res ab eius debet persona deflectere: quia sicut ista laudabilis nunc probatur electio, ita si, quod absit, dilectionem vestram ab eo quisquam deuiare seduxerit, & animæ vestræ grauamen, & opinioni maculam infidelitatis imponet. Eos vero qui ab electionis vestræ vnitate inconfide- rate discordant, ut vobiscum sentire possint, ab Antoni- no subdiacono nostro fecimus admoneri. Cui etiam de persona Malchi fratris & coepiscopi nostri quid oporteat fieri iampridem iniunximus. Sed quoniam & ipsi scripsimus, credimus eum ab inquietudine vestra sine mora quiescere. Qui si fortasse obedire quocumque modo neglexerit, contumacia eius modis omnibus canonice vltionis districione mulctabitur.

## EPISTOLA XLVII.

## GREGORII PAPÆ I.

AD COLVMBVM EPISCOPEVM NVMDIÆ.

Ne pueri venalitate, vel alicuius potentia ordinentur:  
& de Concilio faciendo.

*Gregorius Columbo episcopo Numidiæ.*

**A**NTEQVAM fraternitatis tuæ scripta susciperem, bo-  
num te Dei famulum esse, nuntiante veridica opinio-  
ne, cognoui: & postquam suscepi, certum fuisse hoc quod  
fama dudum asperferat, plenius intellexi: meritisque tuis  
valde congaudeo, quod testes vitæ laudabilis mores tuos  
& actus ostendis. Hæc ergo quoniam superna tibi sentio  
maiestate collata, gratulor: & Deum creatorem nostrum  
vtique benedico, qui seruis humilibus misericordiæ suæ  
dona non denegat. Qua de re verum fateor, quia sic me  
fraternitas tua ad amorem suum flamma caritatis accen-  
dit, sicque tibi vnitus est meus spiritus, ut & videre te cu-  
piam, & tamen absentem corde semper attendam. Hæc  
igitur ita esse ex te bene consideras. Nam profecto plus in  
caritate animorum vnitatis, quam corporalis potest vene-  
rari

rari præsentia. Præterea tota te mente, toto corde, tota-  
que anima apostolicæ sedi inhærere, ac esse deuotum, &  
nunc scio, & priusquam epistola tua hoc testimonium per-  
hiberet, manifeste cognoui. Præmisso ergo debito ex cari-  
tate salutationis alloquio adhortor, vt eorum quæ beato  
Petro apostolorum principi promisisti, memor esse non  
desinas. Itaque erga primatem Synodi tuæ esto solicitus,  
vt pueri ad sacros ordines nullatenus admittantur, ne tan-  
to periculosius cadant, quanto citius descendere ad al-  
tiora festinant. Nulla sit in ordinatione venalitas: potentia  
vel supplicatio personarum nihil aduersus hæc quæ pro-  
hibemus obtineat. Nam procul dubio Deus offenditur, si  
ad sacros ordines quisquam non ex merito, sed ex fauore,  
quod absit, aut ex venalitate prouehitur. Hæc autem si  
fieri cognoscis, non taceas, sed instanter obsiste: quoniam  
si hæc aut inuestigare fortasse neglexeris, aut intellecta ce-  
laueris, non solum illos qui hæc agunt peccati vinculum  
illigabit, sed & te huius rei non leuis ante Deum culpa re-  
spiciet. Oportet ergo canonica vltione, si quid tale com-  
mittitur, coerceri; ne tantum facinus, cum aliorum pec-  
cato parcitur, vires ex dissimulatione percipiat. Præsen-  
tium igitur portitorem Victorinum fraternitatis tuæ dia-  
conum, quem tuum reor imitatorem existere, & cum ca-  
ritate suscepi, & ad remeandum citius relaxavi: per quem  
etiam claves beati Petri, in quibus de catenis ipsius inclu-  
sum est, tibimet pro benedictione transmisi. Propterea de  
vnitate ac pace Concilii, quod Deo auctore congregare  
disponitis, caritas tua animos nostros subtiliter omnia in-  
dicando latificeret.

### EPISTOLA XLVIII. GREGORII PAPÆ I.

AD ADEODATVM PRIMATEM NVMIDIÆ.

Vtnullus ad sacros ordines precio ascendat, sed eius vita  
moresque prius discutiantur.

*Gregorius Adeodato episcopo primati prouinciae Numidiæ.*

**Q**VALITER erga nos fraternitatem vestram caritas di-  
lectionis adstrinxerit, scriptorum vestrorum series  
evidenter innotuit: magnumque fomitem nobis contu-

*Concil. Tom. 13.*

51

Grat. 1. q.  
1. cap. 110.  
Anf. lib. 7.  
cap. 46.

S. Bon. phar.  
libro 1. cap.  
10.